

Der .IIII. Titel des andern Tractats

Der kouff sol vmb gelt beschehen.



Wann man kouffen vnd ver-
kouffen wil/so gepürt sich das die hab mit gelt/vñ sunst
mit keiner andern werung koufft vnd verkoufft werde/
sunst mag es nit ein krefftiger kouff sin. Es mag aber
dieselb Conuencion wol sunst sin bestandhaben/ wie ein dwsch/oder sunst
wie andie gemeine überkommus/von denen hienach geredt würedt/Were
aber das die parthien den kouff vmb gelt beschlussen/so mag die zalung
wol mit andern werde beschehen/ als wēn ein gürt vmb hundert guldin
koufft were/so mag der kouffer/wyn/korn/ silbergeschit/ acker/matten/
oder anders/ an der kouff sum bezalen.

Ligende güter vmb Bodenzins verkouffen.

Wer ouch das einer ein ligend gürt/huß/acker/matten/hoff zc. vmb
ein ierlich ewig gült verkoufft/das mag ouch wol sin/doch mit maß vñ
bescheidenheit/ wie vnder dem letzten titel diß andern Tractats gesetze
würde.

Wie die nechsten sippfründ kouff vmb ligende güter ansich ziehen mögen.

Welcher ligende güter in vnser Statt gezirct vnd gepietten gelegen/
verkoufft/So habent sin nechsten sypfründ/die alhie vnder vnser obri-
keit wonhafft sind/oder sin wöllen/gewalt solchen kouff in iachfrist dem
nechste nach dem es inen zewissen würt/ansich zebüngen/so sy den pfant
schilling/mitsampt gehabt norturfftigem kossen/darlegen vnd beza-
len/vnd wo die nechsten sypfründ nit wölten/solle ander sypfründ/die
nach inen die nechsten sind/vnd hie vnder vnser obkeit wonen/solliche
zethün gewalt haben.

Wēn einer dem andern ein inge- hapt gürt überantworten sol/was kossen er mag abziehen.

Vnd ob in mitlezzyt ichts notwendigs in solchen gütern verbuwen
wordē/des sollent die sypfründ mit dem kossen ouch richten vnd besale
vnd zñ vnser erkantnus stan/wēn der buw notwendig geheissen würde
oder nit.